

F6.3

BIBLIOTECA
ORTO B ANICO
P. JVA
808.897 (126)





*AVRVM custodia quoq; ac incolumitatis
esse symbolum ex Proclo tradit Pierius,
vnde apud veteres tutela caussa sata pro-
pe ades vel illis affixa fuit, quod etiam O-
uidius testatur, cum dicit,*

Postibus Augustis eadem fidiſſima cultos.

*Eamq; inſuper non ladi à fulmine, Plinio etiam aſtipu-
lante, vetuſtas credidit. Vnde Tiberius Imperator Roma-
nus tempeſtates & coruſcationes nimium expaueſcens,
cælo turbido lauream ſibi ſolitus eſt imponere, non aliter
ac Auguſtus ante ipſum neſcio qua ſuperſtitione, ex vituli
marini pelle in eundem finem cingulum geſtare conſuevit.
Herodianus quoq; ſcribit lib. i. in maxima peſte, conſulen-
tibus Medicis, Commodum Imperatorem ob copiam arbo-
rum iſtarum in locum, cui nomē Lauretum, ſeceſſiſſe, quod
beneficio harum arborum ſe à contagio immunem fore ſpe-
raret. Ad eundem modum, virtus, cujus omnis laus in
aſtione poſita eſt, (ſecundum Ciceronem;) per ſe munita
ab omnibus nō ſolum vitijs, ſed alijs rebus aduerſis, ſemper
illeſa ac integra durare ſolet, alijsq; vniuerſis commodita-
tibus eſt præferenda. Vnde Horatius carm. lib. 3. ode 2.*

*Virtus repulſæ neſcia ſordidæ
Intaminatis fulget honoribus,
Nec ſumit, aut ponit ſecures,
Arbitrio popularis auræ, &c.*

VVL

VVLNERE VVL- NERA SANO.



*Dic age cum proprio tua vulnere vulnera ſanem,
Stipite cur hominum durior hoſtis homo es?*

N z

Excelle

EXCELLENTISS. ac peritissimus Medicus
D. Prosper Alpinus, qui octo annis in Aegy-
pto Medicinam feliciter exercuit, & nunc
magna cum laude Venetijs artem eandem
facit, veram Balsami descriptionem &
locum natalem in suo praeclaro libro de plantis Aegypti, &
peculiari dialogo de Balsamo edito, una cum ejus icone, pri-
mus ut puto hisce temporibus nobis cum magna utilitate
exhibuit, manifesteq; ostendit, hunc fruticem in Arabia
felici proprie nunc etiam nasci, ac inde in Aegyptum ac Iu-
deam semper translatum esse, ac ita qui velint, legiti-
mum nancisci & habere aequo precio posse. Ex hoc frutice
liquor iste nobiliss. (cujus portiunculā quoq; ad nos mittere
dignatus est) vulnerato vel scarificato cortice in aestate de-
stillat, & hodie etiam in Aegypto illius magnus usus est ad
omnia vulnera ac ulcera difficilia ac sordida, aliosq; plures
ejusmodi affectus. Docemur autem hoc Emblemate de mu-
tua inter homines praestanda benevolentia ac prompta opera,
etiamsi interdum aliquid propterea laborum & molestiarū
sit suscipiendum. Nihil enim (ut Cicero lib. 1. de Natura
Deorū tradit) bonitate ac beneficentia est melius aut prae-
stātius. Quod quidem S. Paulus multo efficacius ac verius
in Epistola ad Coloss. cap. III. monet, ἐνδύσαθε inquiens
ὡς ἡγάπη οἰκτιρμῆς, χρηστότητα, ταπεινοφροσύνην, μακροθυ-
μίαν, πρᾶοτητα, id est, induite viscera commiserationis, be-
nignitatem, animi humilitatem, lenitatem, clementiam.

SIC

XXXVII.
SIC VOS NON
VOBIS.



Pingitur in lauri vitis cur stipite nixa?
Saepe etiam docti munere diues eget.